


明許宏撰集
清程永培校訂

金鏡肉臺方議

上海科学技术出版社



金鏡內台方議序

医道与儒道通。素問起于軒黃。難經起于秦越。猶之經也。医方始于張仲景。猶之傳也。漢唐以后。青囊一術。各標識解。猶之註疏也。膠柱刻舟者。依画样之臨摹。翻案倒局者。哆金針之暗渡。于是有过高者出。謂方書可付龍祖。曰。医者意也。夫以意为文。猶自誤。以意為方。則誤人。方可廢乎。但釋方与用方者。不免毗于陰陽耳。仲景之有內台方也。人足習之。至建安許宏之有方議。未流傳也。余得而諦觀之。虛實強弱有稟。燥濕寒熱有氣。君臣佐使有序。因革損益有宜。大都問答彷彿之素問。釋疑彷彿之難經。令不知医者。自病自藥。簡方良可無誤。令深于医者。鑑輕重權衡。毫釐千里之辨。不敢輕下一匕。譬之解經者。訂訛疏之說。亦補經傳之缺。以仁術生人。較之以學術殺人者。不大有补于世哉。信医道之通于儒也。而余尤念医道之通于治。蓋亦有脈与治焉。元氣神氣。張弛各以其時。猶之治本治標。緩急一隨其候。若外邪宜用治標法。而反泄神氣以填之。內虛宜用治本法。而反弛神氣以散之。恐望氣察色。俞跗已却走矣。信惟具匡國全副精神。达权通变。固寿元于消息之微。而生机于呼吸之介。而后旺者不衰。衰者可旺。伊耆世界。將复見之。則余之流傳此方議。并載穴道經絡圖。以当隔垣之視也。豈直以医道哉。然儒者而知此医道也。于治道思过半矣。

金鏡內台方議目次

卷之一

治傷寒湯方一〇一道

桂枝湯	一
桂枝加厚朴杏子湯	二
桂枝加附子湯	三
桂枝去芍藥湯	四
桂枝去芍藥加附子湯	五
桂枝麻黃各半湯	六
桂枝二麻黃一湯	七
桂枝去桂加苓朮湯	八
桂枝新加湯	九
桂枝加桂湯	一〇
桂枝加芍藥湯	一一

卷之二

桂枝加大黃湯	一二
桂枝越婢湯	一三
桂枝甘草湯	一四
桂枝救逆湯	一五
桂枝龍骨牡蠣湯	一六
桂枝人參湯	一七
桂枝附子湯	一八
麻黃湯	一九
麻黃杏子石膏湯	二〇
麻黃連軀赤小豆湯	二一
麻黃附子細辛湯	二二
麻黃附子甘草湯	二三
麻黃升麻湯	二四

卷之三

大青龍湯	二六	三
小青龍湯	二七	三
葛根湯	二八	三
葛根半夏湯	二九	三
葛根黃連黃芩湯	三〇	三
白虎湯	三一	三
白虎加人參湯	三二	三

卷之四

小柴胡湯	三三	三
大柴胡湯	三四	三
柴胡桂枝湯	三五	三
柴胡桂薑湯	三六	三
柴胡加芒硝湯	三七	三
柴胡加龍骨牡蠣湯	三八	三

小建中湯	三九	六
------	----	---

卷之五

小承氣湯	四〇	六
大承氣湯	四一	六
調胃承氣湯	四二	七
桃仁承氣湯	四三	七
小陷胸湯	四四	七
大陷胸湯	四五	七
抵當湯	四六	七
十棗湯	四七	七

卷之六

大黃黃連瀉心湯	四八	八
附子瀉心湯	四九	八
半夏瀉心湯	五〇	八
生薑瀉心湯	五一	八

甘草瀉心湯	五二	八七
茯苓桂枝白朮甘草湯	五三	八八
茯苓桂枝甘棗湯	五四	八八
黃芩湯	五五	八九
黃芩加半夏生薑湯	五六	九〇

卷之七

四逆湯	五七	九一
四逆加人參湯	五八	九三
當歸四逆加茱萸湯	五九	九三
當歸四逆湯	六〇	九四
四逆加豬胆汁湯	六一	九五
通脈四逆湯	六二	九五
茯苓四逆湯	六三	九七
白通湯	六四	九八
白通加豬胆汁湯	六五	九八
附子湯	六六	九九

卷之八

干薑附子湯	六七	一〇〇
朮附湯	六八	一〇一
眞武湯	六九	一〇一
梔子豉湯	七〇	一〇四
梔子厚朴湯	七一	一〇五
梔子干薑湯	七二	一〇六
梔子生薑豉湯	七三	一〇七
梔子甘草湯	七四	一〇七
梔子柏皮湯	七五	一〇八
厚朴薑夏草參湯	七六	一〇八
旋復代赭石湯	七七	一〇九
赤石脂禹余糧湯	七八	一一〇
吳茱萸湯	七九	一一一
豬苓湯	八〇	一一一

卷之九

甘草附子湯	八一	二二
甘草干薑湯	八二	二四
芍藥甘草湯	八三	二四
甘草湯	八四	二五
炙甘草湯	八五	二五
芍藥甘草附子湯	八六	二七
茯苓甘草湯	八七	二七
黃連湯	八八	二八
黃連阿膠湯	八九	二九
干薑黃連人參湯	九〇	二九
桃花湯	九一	三三
豬膚湯	九二	三三
桔梗湯	九三	三三

卷之十

苦酒湯	九四	三三
白頭翁湯	九五	三三
半夏散及湯	九六	三四
枳實梔子湯	九七	三五
竹葉石膏湯	九八	三六
茵陳蒿湯	九九	三六
蜜煎導方	一〇〇	三七
豬胆汁方	一〇一	三八
五苓散	一〇二	三九
四逆散	一〇三	三九
瓜蒂散	一〇四	三九
文蛤散	一〇五	四〇
白散	一〇六	四〇
燒棍散	一〇七	四一

卷之十一

治傷寒散方七道

牡蠣澤瀉散 一〇八

卷之十二

治伤寒丸方五道

理中丸 一〇九
烏梅丸 一一〇
大陷胸丸 一一一

抵当丸 一二二
麻仁丸 一二三
右伤寒内台正方一一三道皆張仲景所述更
欠少一方乃禹余糧是也
内台用藥性品製
附用藥加減法
論分兩

金鏡內台方議卷之一

桂枝湯一

治自汗惡風。头疼体痛。發熱。脈浮緩。名曰中風。

桂枝 芍藥各三兩

甘草二兩

生薑三兩

大棗

十二枚

右咬咀。以水七升。慢火煎至四升。去滓。適寒溫服一升。服已須臾。歠稀粥以助藥力。以被溫覆。令一时許。遍身絳絳出微汗則佳。不可令如水淋漓。病必不除。若一服汗出病瘥。停后服。不必尽剂。若不汗。更服。依前法。又不汗。再服。若病重者。一日夜服尽一剂。病症仍在者。服至三剂。汗不出者。乃絕証也。麵食五辛酒酪生冷等物忌之。

桂枝湯議

議曰。中風者。乃風邪之氣伤人衛氣。而成此症也。衛氣受風則強。強則自汗出。而常惡風。衛強則榮弱。營弱則發熱。头体痛。脈浮而緩。是以自汗惡風。

發熱头体痛。脈浮而緩者。乃中風症也。經曰。風淫于內。以辛散之。以甘緩之。乃用桂枝為君。以散邪氣。而固衛氣。桂枝味辛甘性熱。而能散風寒。溫衛氣。是辛甘發散為陽之義也。芍藥味酸性寒。能行榮氣。退熱。理身痛。用之為臣。甘草大棗味甘而性和。能諧榮衛之氣。而通脾胃之津。用之為佐。薑味辛性溫。而能散邪佐氣。用之為使。先聖配此五味之藥。以治傷寒者。乃專主中風之症。而行解肌之法也。若非自汗惡風之症。不可服也。經曰。桂枝下咽。陽盛則斃者。是也。

議用桂枝湯法

議曰。桂枝湯乃傷寒中解肌正法也。若自汗出。惡風寒。脈浮緩。不問有熱無熱。头体痛與不痛。便是中風証也。桂枝用之無疑。若是自汗惡風。脈却不浮緩。或沉緊浮數等類。乃是風寒共傷。入于經絡。未全在表。桂枝湯未可盡用。只宜桂枝麻黃各半湯微解之。以候其定。若是自汗惡風。更加內實煩熱。脈洪大者。此乃風邪與熱邪共相攻也。桂枝猶未可用。只宜外台升麻解肌湯加桂枝主

之。若是伤寒四五日。失于解肌。脈息左右不同。或浮或洪。內熱煩渴。又兼惡風有汗者。此乃表里均見也。虽宜解肌。桂枝不可用也。只宜外台芸蒿湯加桂枝。取汗出为度。張仲景法中用桂枝最多。虽然識破古人用法之要也。若非自汗惡風脈浮者。不可尽用也。

桂枝湯戒

議曰。伤寒乃热病。复用桂枝辛热之剂發汗。不可不知戒慎也。張仲景曰。有汗不得服麻黃。無汗不得服桂枝。又曰。桂枝本为解肌。若其人脈浮緊。發熱汗不出者。不可与也。常須識此。勿令誤也。又曰。若酒客病。不可与桂枝湯。又曰。伤寒脈浮。自汗出。小便數。心煩。微惡寒。脚攣急。此乃陰陽皆虛也。不可汗之。宜甘草干薑湯芍藥甘草湯。反与桂枝湯欲攻其表。此誤也。又曰。桂枝下咽。陽盛則斃。以此推之。桂枝湯乃專主中風解肌之法。若妄用之。必致其咎。明智之士。不可不慎焉。若果証系中風。非桂枝湯又不能取效也。凡服桂枝湯吐者。其后必吐膿血也。

議用桂枝

議曰。桂枝者。乃取桂之枝梢細薄者用之。以其輕揚而能發散也。非肉桂之厚者也。若混而用之。少見功效。三因方中。乃用桂心。亦有乖訛。且桂心能入心。肉桂能治五臟之氣。桂枝能治表邪也。若以伤寒發散風邪。必用桂枝也。

議用芍藥

議曰。芍藥赤性寒。能瀉榮氣。白芍藥性平。能補榮氣。虽皆芍藥。補瀉不同。仲景桂枝湯中只言芍藥。不言赤白。聖惠方用赤芍。孫尚方用白芍。許叔微亦用白芍。且寒傷榮。風傷衛。此桂枝湯乃救風傷衛氣者也。衛氣既傷。榮氣有強有不強。不可尽以为榮弱始發熱也。若証果惡風自汗。脈皆陽浮而陰弱。又復遲緩。此乃榮弱無疑。此必用白芍藥以補榮而固其衛。如經中所云榮弱衛強。故使汗出是也。如症自汗惡風。脈却陽浮而陰盛。榮脈反壯。其內熱甚。又更其人稟質素壯。血氣有余。此必用赤芍藥以瀉其盛經之氣也。豈可反補哉。自張氏今往寥寥數千載間。聖道遙遠。人鮮能明。考之聖經。不言而會。如桂枝加芍藥湯。

乃下之腹滿時痛。屬太陰。此脾虛也。故用白芍以補之。如桂枝加大黃湯。乃下之因尔腹大實痛。乃脾氣實也。故用赤芍藥加大黃以利之。如建中湯當歸四逆湯真武湯等。皆用白芍。如柴胡湯葛根湯麻黃升麻湯皆用赤芍。此皆古人所蘊未言之妙也。惟智者能推究之。

桂枝湯証

太陽中風。陽浮而陰弱。陽浮者。熱自發。陰弱者。汗自出。漉漉惡寒。淅淅惡風。翕翕發熱。鼻鳴干嘔者。桂枝湯主之。

太陽病。外症未解。脈浮弱者。當以汗解。宜桂枝湯主之。

太陽病。下之后。其氣上沖者。與桂枝湯。

太陽病。先發汗不解。復下之。脈浮者不愈。浮為在表。而反下之。故不愈。今

脈浮。故知在外。當須解外則愈。宜桂枝湯。

病常自汗出者。此為榮氣和。榮氣和者。外不諧矣。以衛氣不共榮氣和諧故尔。

以榮行脈中。衛行脈外。復發其汗。榮衛和則愈。宜桂枝湯。

病人臟無他疾。時發熱。自汗出。而不愈者。衛氣不和也。先其時發汗則愈。宜桂枝湯。

傷寒。不大便六七日。頭痛有熱者。與承氣湯。小便清者。知不在里。仍須在表。當發其汗。宜桂枝湯主之。

傷寒。發汗解。半日許復煩。脈浮數者。可更發汗。宜桂枝湯。

傷寒病。醫下之。清谷不止。身疼痛者。急當救里。後身疼痛。清便自調者。急當救表。救里宜四逆湯。救表宜桂枝湯。

太陽病。發熱汗出者。此為榮弱衛強。故使汗出。欲解邪風者。宜桂枝湯。

傷寒。大下後。復發汗。心下痞。惡寒者。不可攻痞。先解表。表解乃可攻痞。

解表宜桂枝湯。攻痞宜大黃黃連瀉心湯。

太陽病。不解。熱結膀胱。其人如狂。血自下。下者愈。其外不解者。尚未可攻。先解外。外解已。但小腹急結者。乃可攻之。宜桃仁承氣湯。其解外者。宜桂枝湯。

太陽病。头疼發熱。汗出惡風者。桂枝湯主之。

太陽病。外症未解。不可下也。下之爲逆。宜桂枝湯。

陽明病。脈遲。汗出多。微惡寒者。表未解。宜桂枝湯。

病人煩熱。汗出則解。又如瘧狀。日晡所發熱者。屬陽明也。脈實者。宜下之。

脈浮虛者。宜汗之。下之宜大承氣湯。汗之宜桂枝湯。

太陰病。脈浮者可發汗。宜桂枝湯。

厥陰病。下利腹脹滿。身體疼痛者。先溫其里。乃攻其表。溫里宜四逆湯。攻表

宜桂枝湯。

霍亂病。吐利止而身痛不休者。當消息和解其外。宜桂枝湯小和之。

議曰。仲景所用桂枝湯者一十九法。今復書于此。非但使人必合此法。方用桂枝湯。乃使后人逐条細讀。精詳義味。方見古人用藥之意。庶幾乎其有得矣。惟智者悟乎此。則八方开通。洞然無礙。愚者膠柱鼓瑟。不足與語也。

服桂枝湯后

服桂枝湯。大汗出后。大煩渴不解。脈洪大者。白虎加人參湯主之。

服桂枝湯。大汗出。脈洪大。表症仍在者。與桂枝湯如前法。若形如瘧。日再發者。汗出必解。宜桂枝二麻黃一湯。

太陽病。初服桂枝湯。反煩不解者。先刺風池風府。却與桂枝湯則愈。

凡服桂枝湯吐者。其后必吐膿血也。

傷寒。脈浮。自汗出。小便數。心煩。微惡寒。腳攣急。反與桂枝湯欲攻其表。

此誤也。得之便厥。咽中干。煩躁吐逆者。作甘草干薑湯與之。以復其陽。若厥

愈足溫者。更作芍藥甘草湯與之。其腳便伸。若胃氣不和。譫語者。少與調胃

承氣湯。若重發汗。復加燒鍼者。四逆湯主之。

議曰。服桂枝湯后。有大汗出而解者。有不汗出而亦解者。有汗出而表解里反熱

者。有汗出而不解者。此又臨期消息而詳度之。辨其表里。察其陰陽。究其盛

衰。定其虛實。無不應也。

疑 問

問曰。中風証。本自汗。又復發汗者。何也。

答曰。風傷衛氣。則衛氣不固。時自汗出者。乃身中時常有微汗濺濺然。非有大汗也。必用桂枝湯以固衛氣。而解肌表中之邪風。必作一陣大汗出。則風邪皆散也。

問曰。中風証。有服桂枝湯無汗出者。复用麻黃湯發之。可否。

答曰。有汗不得服麻黃。無汗不得服桂枝。此伤寒禁戒也。若中風服桂枝湯不汗出。必再服桂枝湯。若二三劑不汗出者。乃死症也。若用麻黃湯強發之。汗出不止。燥竭而死也。

問曰。桂枝下咽。陽盛則斃。何也。

答曰。陽盛陰虛。下之則愈。汗之則死。是也。如陽明病脈長盛而實。發熱自汗出。反惡熱。此乃陽盛陰虛。當以大承氣湯下之。若不明者。因見煩熱多汗。妄為中風。以桂枝湯治之。以剛配剛。熱極則死也。

問曰。桂枝湯發汗。复用薑棗。麻黃湯發汗。不用薑棗。何也。

答曰。桂枝湯治表虛。麻黃湯治表實。表虛者津液外泄。故用薑棗以通脾氣而行津液。表實者津液內固。只專于發汗。故方中不用棗也。

桂枝加葛根湯二

治太陽病。項背強几几。反汗出惡風者。

桂枝 芍藥各五兩 甘草二兩 葛根四兩 生薑三兩 大棗十二枚

右咬咀。以水七升。先煮葛根。減二升。內諸藥。再取三升。去滓服。覆取微汗。此亦解肌之法。

湯議

議曰。汗出惡風者。乃中風症也。屬桂枝湯主之。今此汗出惡風而反几几。又復項背強者。乃風盛于表也。此屬桂枝湯中加葛根主之。几几者。如鳥飛伸頸之貌。既項背強。又復几几者。當無汗。今反汗出惡風者。故知風盛于表也。葛根性平。能祛風邪解肌表。以此用之為使。而佐桂枝湯之用。以救邪風之盛行于肌表也。